

Ka Moporesidente
Thomas S. Monson



Kagiso, A e nne Teng

Letsatsi lengwe dingwaga tse di fitileng, morago ga ke sena go tlhokomela mathata mangwe kwa ofising, Ke ne ka ikutlwa tlhotlheletso e tona go etela motlholagadi mongwe wa motsofe yo eneng ele molwetsi kwa senthareng e kgolwane mo Toropokgolong ya Salt Lake. Ke ne ka kgweeletsatsa teng ka tlhamalalo.

E ne yare ke ya kwa kamoreng ya gagwe, Ke ne ka e fitlhela e sena ope. Ke ne ka botsa mo tlhokomedi mabapi le gore okae mme ka tlhamaleletswa kwa lefelong la boiketlo. Koo ke ne ka fitlhela motlholagadi yo o lorato a na le kgaitshadi le tsala e nngwe. Re ne ra nna le puisanyo e e monate mmogo.

E ne ya re re santse re buisanya, monna o ne a tla kwa lebating la kamore go tsaya thini ya sotara go tsweng motshining wa dinotshididi. O ne a nteba mme are, “Ka goreng, a o Tom Monson.”

“Ee ke nna,” Ke ne ka fetola. “Mme o lebega jaaka wa ko ga bo Hemingway.”

O ne a dumalana gore ke ene Stephen Hemingway, morwaagwe Alfred Eugene Hemingway, yo o diretseng ele mogakolodi waaka fa Ke ne ke bishopo dingwaga tse dintsi tse di fitileng le yo ke mmitang Gene. Stephen o ne a mpolelela gore rraagwe o teng mo dikamoreng tseo mme o gaufi le loso. Gene o ne a biditse leina lame, mme lelwapa la gagabo le ne le

batlile go ntshwara mme ba ne ba sa kgona go bona nomore ya mogala wame.

Ke ne ka ikopa go tswa ka ponyo ya leitlho mme ka ya le Stephen kwa kamoreng ya mogakolodi wame wa pele, koo ba bangwe ba bana ba gagwe baneng ba kgobokane gone, le mosadi wa gagwe a ileng a tlhokafala dingwaganyana morago. Maloko a lelwapa ane a tsaya bokopano jwame le Stephen kwa lefelo la intsho bodutu ele phetolo ya ga Rraetsho yo o kwa Legodimong go dikeletso tsa bone tse dikgolo gore Ke tlaa bona rraabo pele ga a tlhokafala mme ka araba pitso ya gagwe. Ke ne ka ikutlwa gore seo ke sone, gonne fa Stephen a ne a sa tsena mo kamoreng eo ke neng ke e etetse ka nako e e tshwanang le e a e dirileng, Ke ne ke ka seka ka itse gore Gene o teng tota mo kamoreng eo.

Re ne ra mo segofatsa. Moya wa kagiso o ne wa ata. Re ne ra nna le ketelo e e monate, mme morago Ke ne ka tsamaya.

Moso yo o latelang mogala o ne wa senola gore Gene Hemingway o tlhokafetse— metsotso e e 20 morago ga a sena go segofadiwa ke nna le morwaagwe.

Ke ne ka fa thapelo ya setu go fa malebogo go Rraetsho yo o kwa Legodimong gobo a file kaelo ya Gagwe ya tlhotlheletso, yeo e neng ya nkgwetlha gore ke etele senthara ya tlhokomelo mme ya nkelelela go tsala yame Alfred Eugene Hemingway.

Ke rata go akanya gore dikakanyo tsa ga Gene Hemingway mantsiboa ao— jaaka fa re ne re arametse kgalalelo ya Moya, a tsaya karolo ka thapelo ya boikokobetso, le go bega lesego ya boperesiti— o tsisitse gape mafoko ao a builweng mo sefeleng “Mongarona, Sefefo se Gaketse”.

*Nna, Ao Morekolodi yo o segofetseng!
Sa ntese kele bodutung gape,
Mme ka boipelo Ke tlaa tsamaela lotshitshing lwa
tshireletsego
Mme ke ikhutse mo letshitshing lwa kagiso.*

Ke santse Ke rata sefela seo mme ke fa bopaki kgo-
motso eo e e efang:

*Kgotsana tshakgalo ya setsuatsue sa maphatsha
a lewatle
Kgotsa matimona kgotsa batho sepe fela se e
kannang sone,
Ga go metsi ape ao a ka khurumetsang sekepe seo
go robetseng
Mong wa mawatle le lefatshe le loapi.
Tsotlhe ka bonolo di tlaa obamela thato ya gagwe:
Kagiso, a e nne teng.¹*

Ka dilelo le diteko, ka poifo le bohutsana, ka pelo tse di thubegileng le ka bodutu jwa go latlhegelwa ke bao re ba ratang, go na le nepagatso ya gore botshelo bo tswelelela ruri. Morena le Mmoloki wa rona ke motshidi wa mosupi wa gore go ntse jalo.² Mafoko a gagwe a mo mekwalong e e boitshepo a lekanye: Nnang ka tshisibalo, mme lo itse gore Ke nna Modimo” (Psalm 46:10). Ke fa bopaki jwa boammaaruri jo.

DINTLHA

1. “Master, the Tempest Is Raging,” *Sefela*, sa bo. 105.
2. Bona Richard L. Evans, “So Let Us Live to Live Forever,” *New Era*, July 1971, 18.

GO RUTA GO TSWA MOLAETSENG O

Molaetsa o o ka gomotsa bao ba ba latlhegetsweng ke bao ba baratang ele ka ntlha ya loso kgotsa bao ba ba nang le kgwetlho ya teko. Mo tlaletsong ya molaetsa waga Moporesidente Monson, akanyetsa

go abelana nngwe ya mafoko a tumelo, o ikaegile ka matlhoko a bao o ba rutang: Job 19:25–26; 1 Corinthians 15:19–22; Mosiah 24:13–15; Dithuto le Dikgolagano 122:7–9 Fa o gwetlhwana, o ka a fa bopaki jwa kagiso e Mmoloki a go e fileng mo ditekong tsa gago.

BANANA

Ka tswée tswée Fodisa Pelo ya Me

Ka Kelsey LeDoux

Ngwaga morago ga loso la morwarre, Ke ne ka sekaseka nako ya me fa a sena go swa. Ke ne ka gakologelwa eseng fela botlhoko jo bo tona jo ke bo utlwileng mme gape masego ao Modimo a a mphileng.

Ke ne ke sa tlhaloganye batho gore ba ka bua jang gore loso lwa yo o moratang le ka tlisa masego jang. Kene ke sa tlhaloganye gore Ke ka kgona gonna jang le boipelo le malebogo mo go sengwe seo se nkwi-tlisitseng botlhoko thata. Go ne ga nna bosigo bole bongwe, le fa go ntse jalo, joo bo fetotseng tebelelo yame gotlhelele.

Ke ne ka tsoga gare ga bosigo ka pelo e e bokete go gaisa eo ke neng ke ise ke nne nayo. Botlhoko joo bo ne bo nkhubetsa. Ke ne ka wela fatshe ka mangole mme ka tshololela ka thapelo go Rraetsho yo o kwa Legodimong. Botshelo jwame jotlhe Ke ne ke rutilwe kaga Tefo leka dikgakgamatso tsa ga Jeso Keresete tsa maatla a phodiso. Jaanong tumelo yame ene e lekiwa. A Kene tota ke dumela? Ke ne ka botsa Rraetsho yo o kwa Legodimng gore a fodise pelo yame. Botlhoko bone bole bontsi go nna go ka bo itshokela ke le nosi.

Jalo maikutlo a kagiso, kgomotso, le lorato a ne a feelela mo mmeleng wame otlhe. Kene ka ikutlwa ekete Modimo o ile a mphuthela ka matsogo a gagwe go ntikologa le gore o ne a ntshireletsa gotsweng mo botlhokong jo bo bogale joo Ke neng ke bo utlwile. Ke santse ke swela morwarre, mme Ke ne ka kgona go bona ka matlho ao a a farologanyeng. Go ne go na le mogo ntsi mo go nna moo ke neng ke ka go ithuta gotswa mo maitemogelong a.

Ke itse gore lorato lwa Morena le kagiso gore diteng. Re tlhokana fela gore re nwe.

Itlhophele gore O nne ka Tshisibalo

Mopresidente Monson are fa re nna ka tshisibalo gape re le setu, re ka ikutlwa kagiso le go bona bopaki jo bo nonofileng jwa ga Rraetsho yo o kwa Legodimong. Mme Moya o o Boitshepo o ka fa

tlhotlheetso ka ditsela tseo re ka thusang ba bangwe ka teng.

Kwala fa fatshe kgotsa buisanya le batsadi ba gago tsela nngwe eo o ka nnang ka setu ka yone. Jalo tsaya nako beke e go leka jalo. Morago ga o sena go dira jalo, o ka kwala mo jenaleng kaga maikutlo le ditlhotlheetso tse nnileng o le tsone.



Tumelo, Lelwapa, Thuso

Go Nnisa tlhaga

Bala sedirisiwa se ka thapelo mme, fa go tlhokega, buisanya le bakaulengwe bao o ba etelang. Dirisa dipotso go thusa gore o thatafatse bakaulengwe mme o dire Mokgatlho wa Thuso gore e nne ntlha nngwe ya botshelo jwa gago e e tlhaga. Go bona molaetsa yo montsi, ya ko www.reliefsociety.lds.org

Moporofiti wa rona, Moporesidente S. Monson, o re rotloeditse go “otlololela go imolola bao ba ba tlhokang thuso ya rona le go ba tsoletsa go ba isa kwa tseleng e e kwa godimo ye eleng tsela e e botoka. . . . Se ke tiro ya Morena, le gore fa re le mo tirona ya Morena, . . . re tshwanelwa ke thuso ya Morena.¹

Dingwaga tse di fitileng LaVene Call le mopati wa gagwe wa thuto ya ketelo ba ne ba etela mokaulengwe yo seng tlhaga. Ba ne ba kokota mo kgorong mme ba fitlhela mmaagwe ale mo seaparong sa mogae. O ne a lebega a lwala, mme ba ne ka bofebo ba lemoga gore bothata jwa gagwe ke bojalwa. Baruti ba ketelo bane ba nna fa fatshe mme ba bua le mmaabo bana yo o nang le kgwetlho.

Morago ga ba sena go tsamaya, ba ne bare, “Ke ngwana wa Modimo. Re na le maikarabelo a go mo thusa.” Ka jalo ba ne ba mo etela kgapetsakgapetsa. Nako le nako, ba ne ba kgona go bona le go ikutlwa phetogo e e molemo. Bane ba botsa mokaulengwe wa gagwe go tsena Mokgatlho wa Thuso. Lefa a ne ekete ga a batle, o ne kgabagare a tsena gantsi. Morago ga thotloetso, e ne le mogatse le morwaetsana wa gagwe ba ne ba tsena kereke. Mogatse one a ikutlwa Moya o o

Boitshepo. Ke ya go dira, “Se Bishopo a se gakololang.” Jaanong ba tlhaga mo Kerekeng le gone ba setse ba konoteletswe mo tempeleng.²

Gotsweng Dikwalong tsemi boitshepo

3 Nephi 18:32; Dithuto le Dikgolagano 84:106; 138:56

Gotsweng mo Ditsong tsa Rona

Go thusa bao ba ba duleng motseleng gore ba boele mo efangeleng ya ga Jeso Keresete e sale enna karolo ya Moitshepi wa Malatsi a Bofelo le a leloko la Mokgatlho wa Thuso. Moporesidente Brigham Young (1801–77) o ne are, “Tla re nneng le bopelothomogi go mongwe le mongwe, . . . mme nte bao ba ba ka bonang ba kaele bao ba ba fofetseng go fitlhela ba bona tsela ka bo bone.”³

Eliza R. Snow, moporesidente wa Mokgatlho wa Thuso ka kakaretso, o ne ka malebogo a itsise maiteko a bakaulengwe kwa Ogden, Utah, USA, gore ba thatafatsane. “Ke a lemoga sentle gore bontsi jo bogolo jobo fiwang [ka fa tirelong] ga boke bo fitlhelela kwa [dikwalong] tsa dibuka, o ne a rialo. Mme go lemoga gore lekwalo la selegodimo le a tshegediwa la tiro tsa mokaulengwe jaaka fa ba otlololela go bao ba dipelo tsa bone di godileng go nna

tsididi, o ne a re: “Moporesidente Joseph Smith o rile mokgatlho yo o rulaganyeditse go pholosa batho. . . . Buka e nngwe e a tshegediwa ya tumelo ya gago, bopelontle jwa gago, ditiro tsemi molemo tsa gago, le mafoko. . . . Ga go sepe seo se latlhegileng.”⁴

DINTLHA

1. Thomas S. Monson, “The Sacred Call of Service,” *Liahona*, Motsheganong 2005, 55, 56.
2. Lekwalo go boporesidente jwa Mokgatlho wa Thuso ka kakaretso gotsweng go morwaetsana wa LaVene Call.
3. Brigham Young, mo *Daughters in My Kingdom: The History and Work of Relief Society* (2011), 107.
4. Eliza R. Snow, mo *Daughters in My Kingdom*, 83.

Ke ka dirang?

1. A Ke phuthulogile go botsa mokaulengwe yoo a sa tleng go tsenelela phuthego ya Mokgatlho wa Thuso le nna?
2. A bakaulengwe bao ke ba lebeleletse a ba ikutlwa ba tshosologile go mpotsa dipotso ka ga efangele?